



Odbor za dodjelu "Šestoaprilske nagrade Grada Sarajeva"

Broj: 04-GV-02-153/25

Datum: 31.01.2025. godine

*ZAPISNIK O RADU PRVE SJEDNICE
ODBORA ZA DODJELU „ŠESTOAPRILSKE NAGRADE GRADA SARAJEVA“
U 2025. GODINI
ODRŽANE 31.01.2025. GODINE*

Prisutni:

1. Robert Pleše, predsjedavajući
2. Vedad Deljković, zamjenik predsjedavajućeg
3. Almedin Miladin, član
4. Drago Jurić, član
5. Biljana Lazarević, član
6. Muamer Mekić, član
7. Mirela Džehverović, član
8. Amela Mustafić, član
9. Hadžan Konjo, član
10. Ifet Mahmutović, član
11. Igor Baroš, član
12. Kenan Kestendžić, član

Odsutni: Jasmina Selimović, članica

Iz Stručne službe za poslove Gradskog vijeća sjednici prisustvovala:

- Mirjana Đanović-Stanić, rukovodilac stručne službe Gradskog vijeća
- Amela Hodžić-Pašić, stručni saradnik za najavu i praćenje realizacije sjednica radnih tijela Gradskog vijeća

Poslije sažetka Predsjedavajućeg, jednoglasno je usvojen Zapisnik o radu Konstituirajuće sjednice Odbora za dodjelu „Šestoaprilske nagrade Grada Sarajeva“ u 2025. godini.

Sjednica je počela s radom jednoglasnim usvajanjem sljedećeg **dnevnog reda**:

1. Prijem materijala sa prijedlozima kandidata za dodjelu „Šestoaprilske nagrade Grada Sarajeva“ u 2025. godini
2. Tekuća pitanja



Ad 1)

U uvodnim napomenama predsjedavajući Odbora je upoznao prisutne da slijedi preuzimanje materijala uz potpisivanje izjave o tajnosti.

Dalje je podsjetio članove Odbora na poslovničke odredbe koje se odnose na tajnost rada te na upravljanje radom Odbora donošenjem odgovarajućih zaključaka. U daljoj diskusiji je predložio da se u skladu s članom 14. stav 4. Poslovnika o radu Odbora za dodjelu "Šestoaprilske nagrade Grada Sarajeva" u 2025. godini, a radi manjeg broja pristiglih prijedloga nego što je to bilo uobičajeno, drugi krug glasanja odvija samo u drugom koraku a u svemu u skladu s Poslovníkom o radu Odbora što bi omogućilo da se rad Odbora završi do kraja aktuelnog mandata Gradskog vijeća koje je ovaj Odbor i izabralo.

Uslijedila je diskusija o iznesenom prijedlogu, te je član Odbora Vedad Deljković zatražio da se u zapisnik unese njegova diskusija koja je imala sljedeći sadržaj.

Nije potrebno i ne bi bilo dobro skraćivati postupak rada Odbora, već je potrebno nastaviti rad u skladu sa već usvojenom dinamikom jer je potrebno članovima Odbora dati dovoljno vremena da razmotre sve pristigle prijedloge.

Poslije rasprave u kojoj su učestvovali predsjedavajući Odbora Robert Pleše, te članovi Odbora Igor Baroš, Muamer Mekić i Mirela Džehverović, predsjedavajući Odbora je povukao ovaj prijedlog uz napomenu da je prije svega, potrebno da članovi Odbora izvrše uvid u sadržaj pristiglih prijedloga.

Poslije diskusije i sažetka Predsjedavajućeg, Odbor je jednoglasno usvojio sljedeće **zaključke**:

1. Odbor za dodjelu „Šestoaprilske nagrade Grada Sarajeva“ u 2025. godini konstatuje da su prisutni članovi Odbora primili pristigle kandidature za dodjelu Nagrade u tekućoj godini u vidu radnog materijala. Evidencija o preuzetim materijalima je u prilogu ovog Zapisnika. Materijal nije preuzela jedna članica Odbora, te će biti pozvana da materijal preuzme naknadno.
2. Odbor za dodjelu „Šestoaprilske nagrade Grada Sarajeva“ u 2025. godini konstatuje da će se na sljedećoj sjednici Odbora, članovi Odbora očitovati o blagovremenosti i potpunosti prijedloga za svakog kandidata pojedinačno, a na osnovi Odluke o uslovima i načinu dodjele "Šestoaprilske nagrade Grada Sarajeva", Poslovnika o radu Odbora i objavljenog Javnog poziva o uslovima i načinu predlaganja kandidata za dodjelu "Šestoaprilske nagrade Grada Sarajeva" u 2025. godini. Navedeni akti su priloženi uz Zapisnik sa Konstituirajuće sjednice Odbora.
3. Odbor za dodjelu „Šestoaprilske nagrade Grada Sarajeva“ u 2025. godini konstatuje da će se u skladu s Poslovníkom o radu Odbora, na sljedećoj sjednici, odrediti o potrebnim koracima u drugom krugu glasanja, posebno za pojedinačnu, a posebno za kolektivnu nagradu, ovisno o broju kandidata sa blagovremenim i potpunim prijedlozima.

Ad 2)

Na prijedlog Predsjedavajućeg Odbora, konstatovano je da će se Druga sjednica Odbora održati u ponedjeljak 03.02.2025.godine s početkom u 14:00 sati.

Sjednica je završila sa radom u 15.30 sati.

PREDSJEDAVAJUĆI ODBORA
Robert Pleše, s.r.